

**ფიზიკურ პირთა ქონების და მასთან დაკავშირებული ინტერაციების დაზღვევის
პირობები**

FLEXA/R-001/19-1

სარჩევი

1.	დაზღვევის საგანი	2
2.	გამოყენებული ფარმაციული	2
2.	ტერმინთა განმარტება:	2
3.	ქონების დაზღვევა	4
3.1.	დაზღვევის საგნები	4
3.2.	სადაზღვევო ლიმიტი და ფრანშიზა	5
3.3.	სადაზღვევო ანაზღაურების გამოთვლა	6
3.4.	თქვენი ვალდებულებები	7
4.	ზოგადი პირობები	6
4.1.	გამონაკლისები	6
4.2.	მხარეთა უფლება-მოვალეობები:	8
4.3.	სადაზღვევო ანაზღაურების გაცემა	8
4.4.	სადაზღვევო პოლისი/დაზღვევის მოქმედების ვადა	9
4.5.	სადაზღვევო პრემია და მისი გადახდის პირობები	9
4.6.	რისკის ხარისხის ცვლილების შესახებ ინფორმაციის მოწოდების ვალდებულება	9
4.7.	დაზღვევის პირობების შეცვლა	10
4.8.	დაზღვევა მესამე პირთა სასარგებლოდ	10
4.9.	რეგრესის წესი	10
4.10.	ფორს-მაჟორი	10
4.11.	პოლისის მოქმედების შეწყვეტა	10
4.12.	დავების განხილვა	11
4.13.	ინფორმაციის მიწოდება	11
4.14.	კონფიდენციალურობა	11

წინამდებარე პირობები ძალაშია ჩვენ მიერ გაცემულ სადაზღვევო პოლისთან ერთად. სადაზღვევო პოლისის გარეშე წინამდებარე პირობებს იურიდიული ძალა არ გააჩინია. განაცხადზე ხელმოწერით თქვენ ადასტურებთ, რომ გაეცანით წინამდებარე პირობებს და ეთანხმებით მათ.

1. დაზღვის საგანი

1.1. წინამდებარე პირობებით გათვალისწინებული დაზღვევის საგანია:

1.1.1. **ქონება** - დაზღვეულის/მოსარგებლის საკუთრებაში/კანონიერ მფლობელობაში არსებული ქონების შიდა მოპირკეთებისა და შიდა საყოფაცხოვრებო საინჟინრო მოწყობილობების, ასევე დაზღვეული ქონების შიგთავსის დაზღვევა მზღვეველის მიერ, წინამდებარე პირობების შესაბამისად, შემდეგი სადაზღვევო რისკებისაგან: ხანძარი, მეხის დაცემა, აფეთქება, თვითმფრინავის ჩამოვარდნა, გარდა წინამდებარე პირობებში მითითებული გამონაკლისებისა;

1.1.2. იმისათვის, რომ დაიდოს დაზღვევის ხელშეკრულება, აუცილებელია წარმოგვიდგინოთ, თქვენი პირადობის დამადასტურებელი დოკუმენტი და ზუსტად მიგვითოთოთ დასაზღვევი ქონების მისამართი და სხვა აუცილებელი ინფორმაცია. ამ დოკუმენტების საფუძველზე მომზადდება პოლისი და გადმოგეცემათ თქვენ.

1.1.3. წინამდებარე პირობების საფუძველზე გაიცემა შესაბამისი დაზღვევის ინდივიდუალური სადაზღვევო პოლისი. აღნიშნულ პოლისზე მთლიანად ვრცელდება წინამდებარე პირობები.

გთხოვთ გაითვალისწინოთ! თუ სადაზღვევო შემთხვევისას დაზღვეული/მოსარგებლები ვერ უზრუნველყოფს დაზღვევის საგნის მიმართ სადაზღვევო ინტერესის დადასტურებას ჩვენ უარს განვაცხადებთ სადაზღვევო ანაზღაურების გაცემაზე.

გთხოვთ გაითვალისწინოთ, რომ განაცხადში არსებული ქონების რეკვიზიტების არსებითად არაზუსტად მითითების შემთხვევაში (როდესაც შეუძლებელია ქონების ზესტი იდენტიფიცირება) ჩვენ უარს განვაცხადებთ სადაზღვევო ანაზღაურების გაცემაზე.

გთხოვთ გაითვალისწინოთ, რომ ქონებასთან მიმართებით რამდენიმე სადაზღვევო პოლისის არსებობის შემთხვევაში იმოქმედებს მხოლოდ ერთი პოლისი.

2. ტარმინთა განვართვება:

- **დამზღვევი** – წარმოადგენს პირს, რომელთანაც უშუალოდ ფორმდება დაზღვევის ხელშეკრულება და რომლის ვალდებულებასაც წარმოადგენს სადაზღვევო პრემიის გადახდა;
- **დაზღვეული** – სადაზღვევო პოლისში მითითებული პირი;
- **მოსარგებლები** პირი, რომელიც სადაზღვევო ხელშეკრულების და საქართველოს კანონმდებლობის საფუძველზე უფლებამოსილია მიიღოს სადაზღვევო ანაზღაურება,
- **დაზღვევის ხელშეკრულება** – დოკუმენტი, რომელიც ანესრიგებს დაზღვეულს/მოსარგებლეს და მზღვეველს შორის წარმოშობილ უფლება-მოვალეობებს და რომელიც შედგება სადაზღვევო პოლისისა და წინამდებარე პირობებისგან;
- **სადაზღვევო პოლისი** (პოლისი/სერტიფიკატი/თავისი დანართებით) - მზღვეველის მიერ გაცემული წერილობითი დოკუმენტი, რომელიც ადასტურებს დაზღვევის ხელშეკრულების დადებას წინამდებარე პირობების შესაბამისად, ასახავს დაზღვევის ხელშეკრულების ძირითად პირობებს და გადაცემა დაზღვეულს/მოსარგებლეს. ამასთან, თუ პოლისში დაფიქსირებული მონაცემები და წინამდებარე პირობებით განსაზღვრული დებულებები წინააღმდეგობაში მოდის ერთმანეთთან, უპირატესობა ენიჭება პოლისს;
- **სადაზღვევო პერიოდი** – სადაზღვევო პოლისში მითითებული დროის შუალედი, რომლის განმავლობაშიც მოქმედებს დაზღვევა და რომლის განმავლობაშიც დამდგარი სადაზღვევო შემთხვევები ექვემდებარება ანაზღაურებას. ამასთან, დაზღვევა ძალაში შედის პოლისით განსაზღვრული პირველი დღის 24 საათიდან და ძალაშია პოლისით განსაზღვრული უკანასკნელი დღის 24 საათამდე, თუ თავად სადაზღვევო პოლისით სხვა რამ არ არის გათვალისწინებული;
- **სადაზღვევო პრემია (პრემია)** - თანხა, რომელიც დამზღვევმა უნდა გადაიხადოს დაზღვევის შესაძენად პოლისის გადმოცემისთანავე ერთჯერადად, ან პოლისში მითითებული განსაზღვრული პერიოდულობით;
- **სადაზღვევო ლიმიტი** – მხარეთა მიერ სადაზღვევო პოლისში განსაზღვრული ფულადი თანხა, რომელიც წარმოადგენს სადაზღვევის შემთხვევის შედეგად ჩვენ მიერ მოსარგებლეზე მთელი სადაზღვევო პერიოდის განმავლობაში ჯამურად გასაცემი სადაზღვევო ანაზღაურების მაქსიმალურ ლიმიტს.

- **სადაზღვევო შემთხვევა** - სადაზღვევო პერიოდის განმავლობაში სადაზღვევო რისკით გამოწვეული მოქმედნელი მოვლენა, რომელმაც გამოიწვია დაზღვეული ქონების დაზიანება ან განადგურება, რომლის გამოც წარმოიშობა მზღვეველის ვალდებულება აანაზღაუროს ზარალი, წინამდებარე პირობების მიხედვით;
- **სადაზღვევო რისკი** – რისკი, რომელიც შეიცავს მისი დადგომის შესაძლებლობის ნიშნებს და რომლის გამოც ხდება დაზღვევა.
- **მომატებული რისკი** - დაზღვეულის/მოსარგებლის მიერ დაზღვეულ ქონებასთან მიმართებაში ჩვეულებრივი სიფრთხილის ზომების მიუღებლობა/გაუთვალისწინებლობა;
- **სადაზღვევო ანაზღაურება** - თანხა, რომელიც სადაზღვევო შემთხვევის დადგომისას, გაიცემა მზღვეველის მიერ მოსარგებლის სახელზე ამ პირობებით გათვალისწინებული წესითა და პირობებით;
- **ერთჯერადი ლიმიტი** – გულისხმობს სადაზღვევო პოლისით გათვალისწინებულ (ასეთის არსებობის შემთხვევაში) თანხობრივ ლიმიტს, რომლის გამოყენებისთანავე (მიუხედავად იმისა ასეთი ლიმიტი სრულად გაიხარჯა, თუ - არა) იგი სრულად ამოწერულად ითვლება;
- **ფრანშიზა** – (არაანაზღაურებადი მინიმუმი) – თანხა, რომელიც არ ექვემდებარება მზღვეველის მხრიდან ანაზღაურებას და რომელიც აკლდება ასანაზღაურებელი ზარალის თანხის ოდენობას;
- **ცვეთა** - დროითა განმავლობაში დაზღვეული ქონების ბუნებრივი გაუფასურება;
- **დაზღვევის ტერიტორია** - ქონება ჩაითვლება დაზღვეულად მხოლოდ იმ მისამართზე, რომელიც მითითებულია პოლისში, როგორც დაზღვევის თბიერების მისამართი.
- **დაზღვეული ქონება** - ქონება, რომელიც მითითებულია პოლისში და მდებარეობს პოლისის გრაფაში "დაზღვეული ობიექტის მისამართი" მითითებულ მისამართზე.
- **ოჯახის წევრი** – მეულე, შვილ(ები), ნათესავი ან სხვა ფიზიკური პირი (მდგმურის გარდა), ვინც დაზღვევით დაფარული სახლის/ბინის მუდმივი მაცხოვებელია. ოჯახის წევრად არ მოიაზრება პირი, რომელიც ფინანსური ანაზღაურების ან სხვა ინტერესის სანაცვლოდ ცხოვრობს დაზღვევით დაფარულ სახლში/ბინაში.
- **შიდა მოპირკეთება** – ყველა სახის სალესი და სამღებრო, ასევე ტერწვითი სამუშაოები; ასევე კედლების მოპირკეთება ნებისმიერი სახის სის მასალით, პლასტიკატი ან მსგავსი მასალით, შვალერი, იატაკისა და ჭერის საფარი, ფანკრები და კარები, შიდა ტიხეობი, შიდა დეკორატიული ელემენტები და შიდა კიბეები.(გარდა მონოლითურად დამოწაფებული კიბეებისა)
- **შიდა საყოფაცხოვრებო საინჟინრო მოწყობილობა** – სანიტარულ-ტექნიკური და გასათბობი მოწყობილობები, წყლის ბონილერები, წყალგაყვანილობა, გაზგაყვანილობა, ელექტროგავანილობა, კანალიზაციის სისტემა, ელექტრონული მრიცხველები, სატელევიზიო და სატელეფონო კაბელები.
- **შიგთავსი** – გადაადგილებადი ავეჯი და ტექნიკა, სხვა საყოფაცხოვრებო ნივთები;
- **ხანძარი** – წინამდებარე დაზღვევის მიზნებისთვის, ხანძარში იგულისხმება დაზღვეული ქონების დაზიანება უმუალოდ ლია ცეცხლით, რომელიც მოყვა წვას და რომელიც გავრცელდა მას შემდეგ რაც გაჩინდა ცეცხლისათვის განკუთვნილი ადგილიდან განსხვავებულ ადგილას ან თვითნებურად გასცდა ამგვარ ადგილს;
- **მეხის დაცემა** – ბუნებრივი გიგანტური ელექტრონული განმუხტვა ატმოსფეროში, რომელსაც თან სდევს ქეხილი
- **აფეთქება** – სისტემაში გაზის წნევის მოულოდნელი მომატების შედეგად აფეთქება ან აფეთქება, გამოწვეული საყოფაცხოვრებო საინჟინრო მოწყობილობების სისტემიდან აირის გაუონვით.
- **თვითმფრინავის ჩამოვარდნა** – თვითმფრინავის ჩამოვარდნა, რაც განაპირობებს დაზღვეული ქონების დაზიანებას ან განადგურებას.
- **რეგრესული უფლების განხორციელებაში ხელშეწყობა** – თქვენ მიერ ჩვენთვის თქვენი მესამე პირის მიმართ არსებული მოთხოვნის უფლების გადმოცემა და ამისათვის საჭირო ყველა დოკუმენტის გაფორმებასა და შესაბამისი პროცედურების განხორციელებაში დახმარების გაწევა.
- **გამომუშავებული სადაზღვევო პრემია** – სადაზღვევო პერიოდის განმავლობაში კონკრეტული თარიღისათვის, სადაზღვევო პერიოდის დასაწყისიდან ასეთ თარიღიამდე განვლილი დროის მონაკვეთის პროპორციული პრემიის ოდენობა;
- **გამოუმუშავებელი სადაზღვევო პრემია** – სადაზღვევო პერიოდის განმავლობაში კონკრეტული თარიღისათვის, სადაზღვევო პერიოდის ამოწერვამდე დარჩენილი დროის მონაკვეთის პრემიის ოდენობა;
- **ჩვენ, ჩვენი** – მზღვეველი/ ს.ს ”სადაზღვევო კომპანია ალდაგი”;
- **თქვენ, თქვენი** – დამზღვევი, დაზღვეული/მოსარგებლე.

წინამდებარე მე-2 მუხლში მითითებული ტერმინების ჩამონათვალი არ არის ამომწერავი და წინამდებარე პირობებში შეიძლება ადგილი ჰქონდეს სხვა ტერმინების ცალკე განმარტებასაც, რა შემთხვევაშიც უპირატესობა უფრო კონკრეტულად და სრულად მოცემულ განმარტებას ენიჭება;

ამასთან, წინამდებარე პირობებში გამოყენებულ ტერმინებს გააჩნიათ ჩვეულებრივი მნიშვნელობა. ამასთან, თუ პირობებში გამოყენებული ტერმინების გაგება არაერთგვაროვანია, სხვადასხვა ინტერესუაციებს შორის უპირატესობა ენიჭება საკანონმდებლო წესით განსაზღვრულ მნიშვნელობას, თუკი საქართველოში მოქმედი კანონმდებლობა ასეთს ითვალისწინებს

3. წარმოადგინებული დაზღვევის პირობები

3.1. დაზღვევის საგნები

3.1.1. დაზღვევის საგანს წარმოადგენს დაზღვეულის/მოსარგებლის ინდივიდუალურ საკუთრებაში/კანონიერ მფლობელობაში არსებული უძრავი ქონების შიდა მოპირკეთება და შიდა საყოფაცხოვრებო საინჟინრო მოწყობილობი და შიგთავსი პოლისში მითითებული სადაზღვეო რისკებისგან; ამასთან, დაზღვევის საგანი არ შეიძლება იყოს ანუ დაზღვევას არ ექვემდებარება და დაზღვევით არ იფარება:

- შენობა/ნაგებობების კონსტრუქციული ელემენტები, გარეთა მხარეს დამონტაჟებული საგნები (ანძები, ანტენები, მავთულები); გადამცემი და გამანაწილებელი ხაზები და, ასევე, გარე საყოფაცხოვრებო საინჟინრო მოწყობილობები (სანიტარულ-ტექნიკური და გასათბობი მოწყობილობები, წყლის ბოლოერები, წყალგაყვანილობა, გაზგაყვანილობა, ელექტროგაყვანილობა, კანალიზაციის სისტემა, ელექტრონული მრიცხველები, სატელევიზიო და სატელეფონო კაბელები);
- ცხოველები, ფრინველები და მწერები; მცენარეები, ნარგავები და მარცვლოვანი კულტურები;
- კვების პროდუქტები;
- ფეთქებადი ნივთები და ნივთიერებები; იარაღი, საბრძოლო მასალები, სარეზი იარაღები და მოწყობილობები;
- მოქმედი კანონმდებლობის მოთხოვნათა შესაბამისად სავალდებულო რეგისტრაციას დაქვემდებარებული სატრანსპორტო საშუალებები;
- ინფორმაციის მატარებლები, კომპიუტერსა და სხვა სახის ანალოგიურ სისტემებში არსებული ტექნიკური საინფორმაციო საშუალებები (მაგნიტური ბლოკი, მაგნიტური ლენტა, საინფორმაციო ბლოკი და ა.შ.);
- ხელნაწერები, ფოოსურათები, ნეგატივები, სქემები, ნახაზები და/ან ნებისმიერი სხვა სახის დოკუმენტაცია, ბუღალტრული და საქმიანი ჩიგნები და/ან ჩანაწერები, მოდელები, მაკეტები, ნიმუშები და ფორმები;
- ოქროს, ვერცხლის ან სხვა ძვირფასი ლითონისგან დამზადებული ნაკეთობები; ძვირფასი, ნახევრად ძვირფასი და საანაკეთო ქვები; ძვირფასი ქვები დამზადებისა და მოჭედვის გარეშე; ძვირფასი და იშვიათი ლითონების მავთულის, ზოდის, ქვიშის ან თვითნაბარი სახით; ბეწვეული, სურათები, სკულპტურები და ხელოვნების სხვა ნიმუშები, მარკები, მონეტები, ფულადი ნიშნები, ბონები და სხვა სახის კოლექციები, ანტიკვარიატი; ნაღდი ფული უქხოურ თუ ეროვნულ ვალუაში, ჩეკები, ბონდები, შემნახველი ვაუჩერები და ობლიგაციები, საფოსტო მარკები, საფოსტო-შემნახველი მარკები, საფოსტო და ფულადი გზავნილები, სამოგზაურობილებები, კვების ვაუჩერები, სიმ ბარათები, მობილური ტელეფონის ბარათები, სასაჩქრე ვაუჩერები, აქციები, სხვა ფასიანი ქალალდები და საბანკო ბარათები;
- სხვა ნებისმიერი ქონება რაც არ წარმოადგენს დაზღვევის საგანს ამ პირობების შესაბამისად

3.2. სადაზღვეო ლიმიტი და ფრანშიზა

3.2.1. სადაზღვეო ლიმიტი არის სადაზღვეო პოლისში განსაზღვრული ფულადი თანხის ზღვრული ოდენობა, რომელის ფარგლებშიც ჩვენ გადაგიხდით სადაზღვეო ანაზღაურებას.;

3.2.2. პოლისში დადგენილი სადაზღვეო ლიმიტის ფარგლებში განსაზღვრულია ჩვენი პასუხისმგებლობის ქვე-ლიმიტიც (ასეთის არსებობის შემთხვევაში). ეს უკანასკნელი წარმოადგენს სადაზღვეო ანაზღაურების გადასახდელ ზღვრულ ოდენობას შესაბამისი რისკისთვის;

3.2.3. სადაზღვეო შემთხვევის ანაზღაურების შემდეგ, სადაზღვეო ლიმიტი/ქველიმიტი შემცირდება ანაზღაურებული თანხის ოდენობით;

3.2.4. სადაზღვეო პოლისში განსაზღვრება ფრანშიზა, რაც წარმოადგენს თანხის იმ ოდენობას რომელიც აკლდება სადაზღვეო ანაზღაურებას თითოეულ სადაზღვეო შემთხვევაზე და რომელზეც ჩვენ არ ვართ პასუხისმგებელი;

3.3. სადაზღვეო ანაზღაურების გამოთვლა

3.3.1. ქონების რემონტის დაზიანების/განადგურების შემთხვევაში ანაზღაურების გამოთვლა სადაზღვეო ლიმიტის ფარგლებში ხდება დაზიანებული/განადგურებული ქონების რემონტის ალდგენითი ლირებულების მიხედვით, ფრანშიზისა და ცვეთის გათვალისწინებით;

ყოველთვიური ცვეთა იანგარიშება წლიური ცვეთის მიხედვით პროპორციულად და შეადგენს თვეში 7%-ს. ამასთან, არასარჯული თვისათვის ცვეთა იანგარიშება ისევე როგორც სრული თვისთვის.

3.3.2. ქონების რემონტის დაზიანების შემთხვევაში სადაზღვეო ლიმიტის ფარგლებში ანაზღაურებას ექვემდებარება შეკეთების/გამოსწორების/განმენდის ხარჯები, რომელიც საჭიროა დაზიანებული ქონების აღსადგენად.

3.3.3. ანაზღაურებადი სარემონტო/ალდგენითი ხარჯები მოიცავს:

ა) დანახარჯებს რემონტის მასალაზე და სათადარიგო ნაჩილებზე;

ბ) დანახარჯებს სარემონტო სამუშაოების ანაზღაურებაზე;

გ) დანახარჯებს, რომელიც საჭიროა მასალების ადგილამდე მისატანად;

დ) სხვა დანახარჯებს, განეულს უშუალოდ სადაზღვეო შემთხვევამდე არსებული მდგომარეობის აღსადგენად.

3.3.4. აღდგენითი დანახარჯები გამოითვლება სადაზღვევო შემთხვევის მომენტში არსებულ ფასებზე დაყრდნობით, ფრანშიზისა და ცვეთის გათვალისწინებით.

3.3.5. იმ შემთხვევაში, თუ ქონების აღდგენა სადაზღვევო შემთხვევის მომენტისათვის არსებული პარამეტრების შესაბამისად რაომე მიზეზის გამო შეუძლებელი, ან ეკონომიკურად მიზანშეუწონელია, ურთიერთშეთანხმების საფუძველზე შესაძლოა აღსადგენი ობიექტის რიგი პარამეტრების შეცვლა.

3.3.6. ჩვენ ავანაზღაურებთ დანახარჯებს, რომელთა განევაც შესაძლოა, საჭირო გახდეს წინასარემონტო სამუშაოების ფარგლებში, თუ ამგვარი სამუშაოები საბოლოო რემონტის ნაწილია, შეთანხმებულია ჩვენთან და თუ ამით არ გაიზრდება რემონტზე განეული საერთო დანახარჯი.

3.3.7. აღდგენით სამუშაოებთან დაკავშირებული ყველა ხარჯი გაღებული უნდა იყოს დროულად და გონივრულ ფარგლებში.

ჩვენ არ ვიქენებით პასუხისმგებელი იმ დამატებით ზარალზე, რომელიც გამოწვეული იქნება პირველადი დაზიანების დროულად აღმოფხვრელობის შედეგად.

ამასთან, თქვენ ჩვენი თანხმობის გარეშე არც ერთ შემთხვევაში არ უნდა შეუდგეთ დაზიანებული/განადგურებული ქონების შეკეთებას/აღდგენას და ჩვენი წარმომადგებლის მისვლამდე ობიექტები შესაძლებლობის ფარგლებში თქვენ უნდა უზრუნველყოთ შემთხვევის ადგილზე არსებული მდგომარეობის შენარჩუნება. აღნიშნული ვალდებულების თქვენს მიერ დარღვევა წარმოადგენს მზღვეველის მიერ სადაზღვევო ანაზღაურებაზე უარის გაცხადების საფუძველს.

3.3.2. **შიგთავსის დაზიანების/განადგურების შემთხვევაში** ანაზღაურების გამოითვლა სადაზღვევო ლიმიტის ფარგლებში ხდება დაზიანებული/განადგურებული შიგთავსის შენაცვლებითი ღირებებულების მიხედვით, ფრანშიზისა და ცვეთის გათვალისწინებით;

რომაგი დაზღვევა - თუ პოლისში მითითებული დაზღვეული ქონება ერთდროულად რამდენიმე მზღვეველთან აღმოჩენდება დაზღვეული (რომაგი დაზღვევა), თქვენ ვალდებული ხართ, ასეთი ინფორმაციის შეფყობის შემთხვევაში, დაუყოვნებლივ გვაცნობოთ ჩვენ და შესაბამის წერილობით შეტყობინებაში აღნიშნოთ სხვა მზღვეველების ვინაობა და მათი პასუხისმგებლობის მოცულობა. ასეთ შემთხვევაში, მზღვეველები დამდგარ ზარალში მონაწილეობას მივიღებთ, როგორც სოლიდარული მოვალეები ჩვენი პასუხისმგებლობის მოცულობის პროპორციულად, მაგრამ თქვენ არა გაქვთ უფლება, მიიღოთ ჭამში რეალურ ზიანზე მეტი თანხა

ქონების მთლიანი ღირებულების ანაზღაურების შემთხვევაში, თქვენ ვალდებული ხართ უზრუნველყოთ ჩვენთვის საკუთრების უფლების გადმოცემა ნარჩენებზე და შეასრულოთ ყველა ის მოქმედება, რომელიც გათვალისწინებულია საქართველოს მოქმედი კანონმდებლობით ამ მიზნისათვის. ამასთან, იმ შემთხვევაში თუ ნარჩენებზე საკუთრების უფლების გადმოცემა ვერ ხერხდება (რაც არ არის დაკავშირებული თქვენს მიერ დაზღვევის პირობებით გათვალისწინებული ვალდებულებების დარღვევასთან ან მართლისაწინააღმდეგო ქმედებსათან) ან/და ნარჩენებზე რეგისტრირებულია სამართლებრივი კრძალვა/შეზღუდვა ან/და გირავნობის უფლება ან/და არსებობოს სხვა ობიექტები გარემოება, რომელიც შეუძლებელს ხდის ჩვენზე საკუთრებისა და მფლობელობის უფლების გადმოსვლას, ჩვენ უფლებამოსილი ვართ საკუთარი გადაზისვებით შეცვლილი/განადგურებული ნარჩენის ნარჩენი საბაზრო ღირებულება გამოვქვითოთ გასაცემი სადაზღვევო ანაზღაურებიდან.

თუ გაირკვა, რომ ქონების განადგურება ან დაზიანება გამოწვეული იყო მესამე პირის ქმედებით, ჩვენ უფლება გვაქვს გამოვიყენოთ რეგრესის წესი და მოვითხოვთ გადახდილი თანხის ანაზღაურება ბრალებული მხარისაგან. თუ თქვენი ბრალით ჩვენ მიერ რეგრესის უფლების გამოყენება შეუძლებელი გახდა, ჩვენ უფლება გვაქვს უარი ვთქვათ ანაზღაურებაზე ან თქვენგან მოვითხოვთ უკვე გაცემული სადაზღვევო ანაზღაურების დაბრუნება.

ანაზღაურებას არ ექვემდებარება:

ა) დაზიანებული ობიექტის გაუმჯობესებაზე ან მისი მახასიათებლების ცვლილებაზე განეული დამატებითი დანახარჯები;

ბ) ჩვეულებრივი ექსპლუატაციისას პროფილაქტიკურ რემონტზე და მომსახურებაზე განეული დანახარჯები;

გ) ხარჯები, რომელთა განევაც აუცილებელია სადაზღვევო შემთხვევის დადგომისგან დამოკიდებლად;

დ) სხვა ხარჯები, რომლებიც აღემატება საჭიროებას.

3.4. თქვენი ვალდებულებები

სადაზღვევო შემთხვევის დადგომისას თქვენ ვალდებული ხართ:

3.4.1. დაუყოვნებლივ აცნობოთ მომხდარის შესახებ შესაბამის კომპეტენტურ ორგანოს (საპატრულო პოლიციას, ხანძარსაწინააღმდეგო სამსახურს, საგანგებო სიტუაციების მართვის სამსახურს და სხვა) და აგრეთვე ჩვენ (ჩვენს 24-სათიან ქოლ ცენტრს).

3.4.2. მიიღოთ ყველა შესაძლო გონივრული ზომა ზარალის შემდგომი გავრცელების შეწყვეტისათვის, მისი ოდენობის შემცირების ან დაზიანებული ქონების გადარჩენის მიზნით. ასეთი ზომების მიღებისას უნდა იმოქმედოთ ჩვენი ზეპირი ან/და წერილობითი იმსტრუქციების შესაბამისად, თუ ასეთი გაცემულია;

3.4.3. ჩვენი წარმომადგენლის მისვლამდე შეძლებისდაგვარად შეინარჩუნოთ არსებული მდგომარეობა შემთხვევის ადგილზე.

3.4.4. მიიღოთ ყველა ზომა, რათა უზრუნველყოთ ჩვენი რეგრესული მოთხოვნა მესამე პირების მიმართ, რომლებიც პასუხს აგებენ სადაზღვევო შემთხვევის შედეგად მიყენებულ ზიანზე.

3.4.5. ხელი შეგვიწყოთ სადაზღვევო შემთხვევის გამომწვევი მიზეზების, მიყენებული ზიანის გარემოებებისა და ოფენობის მოკვლევა-მოძიებაში.

3.4.6. სადაზღვევო შემთხვევის მომენტიდან არაუგვიანეს 1 კვირისა მოგვაწოდოთ:

ა) წერილობითი შეყყობინება სადაზღვევო შემთხვევის შესახებ;

ბ) წერილობითი განცხადება დაზიანებული ქონების ჩამონათვალისა და მისი აღდგენითი/შენაცვლებითი მიახლოებითი ლირებულებების მითითებით.

გ) სადაზღვევო პოლისის ორიგინალი;

დ) სადაზღვევო შემთხვევასთან დაკავშირებული, კომპეტენტური სახელმწიფო ორგანოების მიერ გაცემული შემთხვევის გარემოებების დამადასტურებელი ცნობები: ხანძარსაწინააღმდეგო სამსახურიდან, ჰიდრომეტეოროლოგიური ცენტრიდან, საპატრულო პოლიციიდან, შს-დან, პროკურატურიდან ან სხვა სამართალდამცავი ორგანოებიდან (მათი კომპეტენციის ფარგლებში მომზადარი შემთხვევის ხასიათის მიხედვით);

ე) საკუთრების უფლების ან სხვა ქონებრივი ინტერესის დამადასტურებელი დოკუმენტი (ამონაზერი საჯარო რეესტრიდან, ნასყიდობის ხელშეკრულება, იჯარის ხელშეკრულება და ა.შ.);

ვ) ზარალის ოდენობის დამადასტურებელი დოკუმენტაცია;

ზ) თქვენი საბანკო რეკვიზიტები.

ჩვენ ვიტოვებთ უფლებას, საჭიროების შემთხვევაში, მოვითხოვოთ დამატებითი დოკუმენტები, თუ ზემოთ მითითებული დოკუმენტების საფუძველზე შეძლებელია დაზღვევისათვის მნიშვნელოვანი გარემოებების დაღენა ან/და ზიანის ოდენობის ზუსტად გაანგარიშება.

4. ზოგადი პირობები

4.1. გამონაკლისები

4.1.1. დაზღვევა არ ვრცელდება და შესაბამისად ჩვენ ვთავისუფლდებით სადაზღვევო ანაზღაურების გადახდის ვალდებულებისაგან შემდეგ შემთხვევებში:

ა) ზარალი გამოწვეულია თქვენი, დაზღვეულის ან მისარგებლის მიერ ჩადენილი განზრახ ქმედებით, უხეში გაუფრთხილებლობით ან მოქმედი კანონმდებლობის დაწლვევით.

ბ) ზარალი გამოწვეულია ომით, დაპყრობით, უცხოელი მტრის ქმედებებით, საომარი მოქმედებებით (მიუხედავად იმისა, გამოცხადებულია ომი, თუ - არა), საზოგადოებრივი არეულობებით, სამოქალაქო ომით, აკანუებით, რევოლუციით, ამბოხებით ან სამხედრო, ან უკანონო ხელისუფლებით, ეროვნობრივი ნებისმიერი აქტით, სხვა დაუძლეველი ძალის ზემოქმედებით, დაზღვეული ფორმ-მაჟორული რისკების გამოკლებით.

გ) თუ ადგილი ჰქონდა იონიზირებულ რადიაციას, ბირთვულ ან სხვა სახის მავნე ნარჩენებიდან მიღებულ რადიაციას და დაბინძურებას; რადიოაქტიური, ფეთქებადი, ბირთვული ნივთიერების შემცველი აირის ბუნებრივი მდგომარეობის ცვლილებას;

დ) ზარალი რომელიც წარმოიშვა ნებისმიერი სხვა კონტრაქტის, შეთანხმების საფუძველზე. სხვა დაზღვევის ხელშეკრულების არსებობის შემთხვევაში, რომლის მიხედვითაც იგივე ინტერესი არის დაზღვეული, მოქმედებს ორმაგი დაზღვევისათვის განსაზღვრული დებულებები, ანუ თუ ამ პირობების წინამდებარე ნაწილით გათვალისწინებული დაზღვევის ინტერესი ერთიდროულად რამდენიმე მზღვეველთან აღმოჩნდება დაზღვეული (ორმაგი დაზღვევა), თქვენ ვალდებული ბრძანდებით ასეთი ინფორმაციის შეტყობისთანავე დაუყოვნებლივ გვაცნობოთ ჩვენ და შესაბამის წერილობით შეტყობინებაში აღნიშნოთ სხვა მზღვეველების ვინაობა და მათი პასეხისმგებლობის მოცულობა. ასეთ შემთხვევაში მზღვეველები დამდგარ ზარალში მონაზილეობას მივიღებთ, როგორც სოლიდარული მოვალეები ჩვენი პასეხისმგებლობის მოცულობის პროპორციულად, მაგრამ თქვენ არ გაქვთ უფლება, მოითხოვოთ კამატი რეალურ ზიანზე მეტი თანხა;

ე) თუ ადგილი აქვს გარემოებას, რომელიც საქართველოს მოქმედი კანონმდებლობის თანახმად, ჩვენ უფლებამოსილებას გვანიჭებს, უარი ვთქვათ სადაზღვევო ანაზღაურებაზე.

4.1.2. დაზღვევა არ ვრცელდება და შესაბამისად ჩვენ ვთავისუფლდებით სადაზღვევო ანაზღაურების გადახდის ვალდებულებისაგან შემდეგ შემთხვევებში:

ა) ზიანი ან განადგურება, რომელიც გამოწვეულია ბეგრითი ან ზებერითი სიჩქარით მოძრავი თვითმფრინავის ან სხვა საფრენი აპარატის მიერ წარმოქმნილი წნევის ფალებით.

ბ) ელექტრონული ან ელექტრო ხელსაწყოს დანაკარგი ან ზიანი, რომელიც გამოწვეულია მეხის დაცემით

გ) ცეცხლით გამოწვეული ზარალი, რომელიც არ არის გამოწვეული ხანძრით.

დ) თვით ქონების მოულოდნელი ფერმენტაციით ან გაცხელებით, ან დაზღვეული ქონების მიერ რაომე სითბური პროცესის გავლით გამოწვეული ზიანი ან ზარალი.

ე) ზიანი, რომელიც მიადგა ღია ცის ქვეშ დატოვებულ ან ზიანის დადგომის მომენტისათვის უკვე დაზიანებულ და/ან დაშლილ შენობაში მყოფ ავეჯს, საყოფაცხოვრებო ტექნიკას და სხვა საყოფაცხოვრებო ნივთებს, საინუინრო

მოწყობილობას, კარებისა და ფანჯრების, ასევე, სახურავის ფანჯრების ღიად დატოვების გამო დამდგარი ზიანის ჩათვლით.

ვ) ნებისმიერი ზიანი, რომელიც მიადგა გარეთ მდებარე თქვენს საინჟინრო მოწყობილობას, გარე მოპირკეთებას.

ზ) ზიანი, რომელიც გამოწვეულია სადრენაჟო სისტემების არასწორი გამოყენებით.

თ) ზიანი, რომელიც გამოწვეულია მიწის სამშაოების ჩატარების შედეგად გრუნტის ხელოვნური დაწევით ან მოძრაობით, მდინარის ნაპირისა და მიმდებარე ტერიტორიის ეროზით;

ი) ზიანი, რომელიც გამოწვეულია რაიმე ქონების დანგრევით, სტრუქტურის ცვლილებებით ან შეკეთებით, ასევე საძირკველის სამშენებლო სამუშაოებით ან გათხრებით.

კ) დანაკარგი ან ზიანი, რომელსაც ადგილი ჰქონდა წყლის მილების, არხების, ავზების ან მოწყობილობების შეკეთების, გაუქმების, დაგრძელების ან გადაფანის პროცესში.

ლ) თუ დაზღვევის ხელშეკრულების გაფორმების მომენტისათვის, კომპეტენტური სახელმწიფო ორგანოების მიერ დაზღვევის ტერიტორია აღიარებული იქნა შესაძლო სტრუქტური უბედურების ზონად.

მ) რომელიც გამოწვეულია ხელისუფლების ნებისმიერი ორგანოს ბრძანებით, განკარგულებით, ქმედებით, კონფისკაციით, რეკვიზიციით, ექსპროპრიაციით ან ამგვართა მცდელობით.

ნ) რომელიც გამოწვეულია მშენებლობის საინჟინრო ან სხვაგვარი დეფექტით, არასწორი პროექტირებით, უხარისხოდ შესრულებული სამუშაოს შედეგად ან უხარისხო მასალების გამოყენებით.

ო) რომელიც გამოწვეულია შენობა/ნაგებობების კაპიტალური რემონტის ჩატარებით.

პ) ზიანი რომელიც გამოწვეულია რატიაციით ან დაბინძურებით, გარდა სადაზღვევო შემთხვევის შედეგად გამოწვეული დაბინძურებისა;

ჟ) შიგთავსის დაზღვეული ქონებიდან გატანისას;

რ) წინამდებარე პირობებში მითითებული რისკების გარდა სხვა ნებისმიერი რისკით გამოწვეული ზიანი.

4.1.3. ჩვენ თავისუფალი ვართ ნაკისრი ვალდებულებების შესრულებისაგან, თუ თქვენ:

ა) არ გადმოგვეცით რეგრესის უფლება/არ მოგვაწოდეთ ის დოკუმენტები, რომლებიც საჭიროა შემთხვევაზე პასეხისმგებელი პირის მიმართ რეგრესის მოთხოვნის წასაყენებლად.

ბ) თუ თქვენ/თქვენმა ოჯახის წევრმა განზრახ ჩაიდინა მართლსაწინააღმდეგო ქმედება, რომელიც პირდაპირ კავშირშია სადაზღვევო შემთხვევის დადგომასთან.

4.1.4. ჩვენ შეგვიძლია უარი განვაცხადოთ სადაზღვევო ანაზღაურების გაცემაზე იმ შემთხვევაში, თუ ადგილი ჰქონდა შემდეგ გარემოებებს

ა) თქვენ არ შეასრულეთ თქვენზე ამ სადაზღვევო პირობებით დაკისრებული ვალდებულებები;

ბ) არ მოგვაწოდეთ სადაზღვევო შემთხვევის შესახებ ინფორმაცია (მეტყობინება) იმ ვადებში, რომლებიც შეთანხმებულია წინამდებარე პირობებით და აღნიშნული შეუყობრილობით არსებითად შეიღავა ჩვენი ინტერესები;

გ) თქვენ მიერ დაზღვევის განხორციელების/სადაზღვევო შემთხვევის აღიარების/სადაზღვევო ანაზღაურების ოდენობის გამოთვლისათვის საჭირო ინფორმაცია / დოკუმენტები არის წინასწარი შეცნობით არაზუსტი ან ყალბი;

დ) ადგილი აქვს გარემოებებს, რომელიც ზრდის სადაზღვევო რისკის დაღვომის ალბათობას, ცნობილია თქვენთვის, დაზღვეულისთვის, მოსარგებლისთვის ამის შესახებ დაუყოვნებლივ არ გვაცნობეთ წერილობითი ფორმით ან მოგვაწოდეთ ყალბი ან არასრული ინფორმაცია / დოკუმენტები აღნიშნულის შესახებ;

ე) თქვენ / მოსარგებლებ უარი განაცხადეთ უზრუნველყოთ ჩვენი წარმომადგენლის მონაწილეობა სადაზღვევო შემთხვევის გამოწვევი მიზეზების, მიუხებული ზიანის სიდიდისა და სადაზღვევო შემთხვევასთან დაკავშირებული სხვა მონაცემების მოკვლევა-მოძრებაში;

ვ) თქვენ არ წარმოგვიღინეთ ჩვენ მიერ მოთხოვნილი ამ პირობებით გათვალისწინებული რომელიმე დოკუმენტი;

ზ) თქვენ უხეშად დაარღვიეთ სადაზღვევო შემთხვევის/რისკის ზრდის შესახებ ინფორმაციის მიწოდების ვადა.

თ) გადააცილეთ გადახედელობის მიზეზით ჩვენ მიერ დადგენილ ორკვირიან ვადას;

ი) ჩვენ მიერ დაზღვეულ ინტერესთან მიმართებით ადგილი ჰქონდა ორმაგ დაზღვევას, მაგრამ თქვენ ასეთი ორმაგი დაზღვევის შესახებ ჩვენთვის ინფორმაცია არ მოგიზოდებიათ წერილობითი ფორმით.

კ) თქვენ ვერ შეასრულეთ თქვენზე წინამდებარე პირობებით დაკისრებული სხვა ვალდებულებები.

ლ) თქვენ არ მიიღეთ რისკის / ზარალის შესამცირებლად თქვენთვის ხელმისაწილეობი, გონივრული ზომები, რაც გახდა სადაზღვევო შემთხვევისა და ამ შემთხვევის განმაპირობებელი ზიანის ან მისი ოდენობის განმსაზღვრელი ფაქტორი

სადაზღვევო ანაზღაურების გადახდაზე უარი წარგედგინებათ წერილობითი ფორმით, სადაც მოყვანილი იქნება ანაზღაურებაზე უარის გაცხადების დასაბუთებული მიზეზები.

თუ ადგილი აქვს შემთხვევებს, რომლებიც წარმოადგენს გამონაკლისს, საწინააღმდეგოს მტკიცების ტვირთი გაწევთ თქვენ.

4.2. მხარეთა უფლება-მოვალეობები

თქვენ ვალდებული ხართ:

- 4.2.1. უზრუნველყოთ სადაზღვევო შესატანის (პრემიის) გადახდა დაზღვევის ხელშეკრულებით დადგენილი წესითა და ვადებში;
- 4.2.2. უზრუნველყოთ ჩვენთვის ხელშეკრულების დადებისათვის აუცილებელი უფყუარი ინფორმაციის წარდგენა.
- 4.2.3. გააცნოთ დაზღვეულს/ მოსარგებლეს წინამდებარე ხელშეკრულებით განსაზღვრული დაზღვევის პირობები და ის ვალდებულებები, რომელიც აკისრიათ მათ წინამდებარე ხელშეკრულების მოთხოვნებიდან გამომდინარე;
- 4.2.4. განუხროეთ და ფეროვნად შეასრულოთ წინამდებარე ხელშეკრულებით ნაკისრი მოვალეობები.
- 4.2.5. სადაზღვევო პერიოდში პოლისის დაკარგვის შემთხვევაში, უნდა წარმოგვიდგინოთ წერილობითი განცხადება, რომლის საფუძველზეც და თქვენ მიერ შესაბამისი თანხის გადახდის სანაცვლოდ, ჩვენ გავცემთ პოლისის დუბლიკატს (სათანადო გრიფით, რაც ადასტურებს, რომ პოლისი დუბლირებულია). პოლისის დუბლიკატის საიდენტიფიკაციო მონაცემები უცვლელი დარჩება, ხოლო დაკარგული პოლისი ძალადაკარგულად ითვლება და მის საფუძველზე წარმოდგენილი მოთხოვნები ანაზღაურებას არ ექვემდებარება.
- 4.2.6. დაუყოვნებლივ მოვაწოდოთ ინფორმაცია მისამართის/ადგილსამყოფელის ცვლილების შესახებ, წინააღმდეგ შემთხვევაში მითითებულ მისამართზე ჩვენ მიერ გამოგზავნილი წებისმიერი კორესპონდენცია/შეყყობინება ჩაითვლება თქვენ მიერ მიღებულიად. ანალოგიური წესი მოქმედებს მაშინაც, როდესაც თქვენ მიერ მითითებული მისამართი არასწორი ან ხარვეზის შემცველია.
- თქვენ უფლებამოსილი ხართ:**
- 4.2.7. მოვთხოვოთ ჩვენ დაზღვევის განხორციელება წინამდებარე დაზღვევის პირობების შესაბამისად;
- 4.2.8. სადაზღვევო შემთხვევის დადგომისას მოითხოვოთ ჩვენგან სადაზღვევო ანაზღაურების გაცემა დაზღვევის ხელშეკრულებით განსაზღვრული პირობების შესაბამისად;
- 4.2.9. მოითხოვოთ ჩვენგან ნაკისრი ვალდებულებების ფეროვანი შესრულება;
- 4.2.10. მოქმედი კანონმდებლობით გათვალისწინებული წესით გაასაჩივროთ ჩვენი გადაწყვეტილება, რომელიც მიაჩინათ არასამართლიანად;
- 4.2.11. შეწყვიტოთ დაზღვევის ხელშეკრულება მხოლოდ ამავე ხელშეკრულების მოთხოვნათა სრული დაცვით.

ჩვენ უფლებამოსილი ვართ:

- 4.2.12. მოვითხოვოთ თქვენგან/ მოსარგებლისაგნ დაზღვევის ხელშეკრულებით ნაკისრი ვალდებულებების ფეროვანი და განუხრელი შესრულება;
- 4.2.13. მოვითხოვოთ თქვენგან გადაიხადოთ სადაზღვევო შესატანი (პრემია) დაზღვევის ხელშეკრულებით დადგენილი წესითა და ვადებში;
- 4.2.14. მოვითხოვოთ თქვენგან დაზღვევის ხელშეკრულების დადებისათვის აუცილებელი ინფორმაციის წარდგენა;
- 4.2.15. არ ავანაზღაუროთ ის შემთხვევები, რომელიც არ არის გათვალისწინებული ამ პირობებით და/ან ხვდება გამონაკლისთა ნუსხაში;
- 4.2.16. უარი განვაცხადოთ სადაზღვევო ანაზღაურების გაცემაზე თქვენ/მოსარგებლის მიერ დაზღვევის ხელშეკრულებით ნაკისრ ვალდებულებათა შეესრულებლობის ან არაჯეროვანი შესრულების შემთხვევაში;

ჩვენ ვალდებული ვართ:

- 4.2.17. განვახორციელოთ დაზღვევა წინამდებარე დაზღვევის ხელშეკრულების პირობების შესაბამისად;
- 4.2.18. განხორციელებული დაზღვევის დასტურად გადმოგცეთ სადაზღვევო პოლისი;
- 4.2.19. დროულად და სრულად გავცეთ სადაზღვევო ანაზღაურება დაზღვევის ხელშეკრულებით განსაზღვრული პირობების შესაბამისად, სადაზღვევო აქტის მხარეთა მიერ ხელმოწერის შემდეგ;

4.3. სადაზღვევო ანაზღაურების გაცემა

- 4.3.1. ჩვენ გადავიხდით სადაზღვევო ანაზღაურებას სადაზღვევო აქტის მხარეთა მიერ ხელმოწერიდან 30 (ოცდაათი) დღის ვადაში;
- 4.3.2. ჩვენ უფლებას ვიტოვებთ გადავავადოთ სადაზღვევო ანაზღაურების თაობაზე გადაწყვეტილების მიღება, თუ სადაზღვევო რისკის ხდომილების ფაქტთან დაკავშირებით თქვენი (მოსარგებლის) ან უფლებამოსილი წარმომადგენლის მიმართ აღძრულია სისხლის სამართლის საქმე.
- 4.3.3. სადაზღვევო ანაზღაურების ოდენობის გამოთვლა რეგულირდება კონკრიტული შემთხვევის მიხედვით, დაზიანებული/განადგურებული ქონების დათვალიერების და კომპეტენტური ორგანოების მიერ გაცემული დოკუმენტების საფუძველზე.

4.3.4. სადაზღვევო ანაზღაურების მაქსიმალური თდენობა ცირიტირებულია სადაზღვევო ცირიტი, მიუხედავად სადაზღვევო შემთხვევების რაოდენობისა და ზარალის სიციფისა.

4.3.5. სადაზღვევო ანაზღაურების გაცემისას სადაზღვევო ანაზღაურებას გამოაკლდება სადაზღვევო პოლისში მითითებული ფრანშიზა (ასეთის არსებობის შემთვევაში).

4.3.6. სადაზღვევო პრემიის განვადებით გადახდის შემთხვევაში, დავალიანების არსებობისას, სადაზღვევო ანაზღაურება შემცირდება გადაუხდელი პრემიის ოდენობით.

4.3.7. თუ ზარალის ანაზღაურება თქვენთვის / მოსარგებლისთვის/ განხორციელდა მესამე პირის/ების მიერ, ჩვენ ავანაზღაურებთ მხოლოდ სხვაობას დაზღვევის ხელშეკრულებით ჩვენ მიერ ასანაზღაურებელ თანხასა და მესამე პირის მიერ ანაზღაურებულ თანხას შორის. თქვენ დაუყოვნებლივ უნდა შეგვატყუბობინოთ აღნიშნული თანხის მიღების შესახებ.

4.3.8. მხარეთა მიერ ხელმოწერილი სადაზღვევო აქტი წარმოადგენს ჩვენ მიერ სადაზღვევო ანაზღაურების გაცემის საფუძველს. თქვენ / მოსარგებლის/ მიერ სადაზღვევო აქტის ხელმოწერამდე ჩვენ არ ვართ ვალდებული, გასცეთ სადაზღვევო ანაზღაურება.

4.3.9. იმ შემთხვევაში, თუ ჩვენ ვერ შევთანხმდით ზარალის საბოლოო ოდენობაზე ან შემთხვევის გამომწვევ მიზეზებზე, შეფასება მოხდება დამოუკიდებელი ექსპერტის მეშვეობით. ამასთან, შეფასებაზე გასაწევი ხარჯების რეგულირების საკითხი განისაზღვრება შემდეგნაირად:

- ა) იმ შემთხვევაში, თუ შეფასება (ექსპერტიზა) ტარდება ჩვენი სურვილითა და ინიციატივით, ასეთ შეფასებაზე (ექსპერტიზაზე) გასაწევ ხარჯებს ჩვენ ვფარავთ;
- ბ) იმ შემთხვევაში, თუ შეფასება (ექსპერტიზა) ტარდება თქვენი სურვილითა და ინიციატივით, ასეთ შეფასებაზე (ექსპერტიზაზე) გასაწევ ხარჯებს თქვენ ფარავთ;
- გ) იმ შემთხვევაში, თუ შეფასება (ექსპერტიზა) ტარდება მხარეთა ერთობლივი გადაწყვეტილებითა და ინიციატივით, ასეთ შეფასებაზე (ექსპერტიზაზე) გასაწევ ხარჯები თანაბრად ნაწილდება ჩვენს შორის.

4.4. სადაზღვევო პოლისი/დაზღვევის მოქმედების ვადა

4.4.1. სადაზღვევო პოლისის გაცემა ადასტურებს დაზღვევის ხელშეკრულების დადებას. მხოლოდ პოლისის არსებობის შემთხვევაში ვართ ჩვენ ვალდებული სადაზღვევო პრემიის სანაცვლოდ სადაზღვევის დადგომისას გადავიხადოთ სადაზღვევო ანაზღაურება.

4.4.2. სადაზღვევო პერიოდში სადაზღვევო დაფარვის პირობებში რაიმე ცვლილების შეტანის შემთხვევაში ამგარი ცვლილებები უნდა აისახოს პოლისში, ხოლო პოლისისა და სადაზღვევო პირობებში შეუსაბამობის შემთხვევაში უპირატესობა პოლისის მიენიჭება.

4.4.3. თუ პოლისით სხვა რამ არ არის გათვალისწინებული, პოლისი გაიცემა ერთი წლის ვადით;

4.4.4. დაზღვევა შედის ძალაში, სადაზღვევო პოლისში მითითებული თარიღის პირველი დღის 24 საათიდან და მოქმედებს პოლისით გათვალისწინებული ვადის ბოლო დღის 24 საათამდე, ხოლო ჩვენ თავისუფალი ვართ ნებისმიერი პასუხისმგებლობისაგან სადაზღვევო პრემიის პირველი ან ერთჯერადი შენატანის გადახდამდე.

4.5. სადაზღვევო პრემია და მისი გადახდის პირობები

4.5.1. სადაზღვევო პრემია წარმოადგენს დაზღვევის საფასურს, რომელიც თქვენ უნდა გადაგვიხადოთ წინამდებარე პირობების თანახმად და სადაზღვევო პოლისით დაწესებული და გათვალისწინებული წესითა და ვადებში;

4.5.2. სადაზღვევო პრემიის გადახდა ხდება ერთჯერადად ან განსაზღვრული პერიოდულობით, სადაზღვევო პრემიის გადახდის პერიოდულობა, ვადები და სხვა არსებითი პირობები განისაზღვრება პოლისით;

4.5.3. პრემიის დროულად, სადაზღვევო პოლისით დადგენილ ვადებში გადაუხდელობის შემთხვევაში, ჩვენ განვისაზღვრავთ გადახდის ორკვირიან დამატებით ვადას. თუ ამ ორკვირიანი ვადის გასვლის შემდგომ ადგილი ექნება სადაზღვევო შემთხვევას, და გადახდა არ იქნება განხორციელებული, ჩვენ ვთავისუფლდებით ანაზღაურების მოვალეობისაგან.

4.5.4. პრემიის დროულად გადაუხდელობა უფლებას გვაძლევს ერთი თვით ადრე გაგაფრთხილოთ ხელშეკრულების შეწყვეტის თაობაზე და ამ ვადის უშედეგოდ გასვლის შემდეგ შევწყვიტოთ დაზღვევის ხელშეკრულება.

4.5.5. თუ სადაზღვევო ანაზღაურების მომენტისათვის თქვენ სრულად არ გაქვთ გადახდილი სადაზღვევო პრემია (მიუხედავად სადაზღვევო პრემიის გადახდის პოლისით შეთანხმებული ვადებისა), ჩვენ უფლებამოსილი ვართ, ანაზღაურების თანხიდან გამოვქვითოთ სადაზღვევო პრემიის გადაუხდელი თანხა.

4.6. რისკის ხარისხის ცვლილების შესახებ ინფორმაციის მოწოდების ვალდებულება

4.6.1. თქვენ ვალდებული ხართ, დაზღვევის გაფორმებისას შეგვატყუბინოთ თქვენთვის ცნობილი ყველა გარემოების შესახებ, რომელმაც შესაძლოა გავლენა იქონიოს სადაზღვევო შემთხვევების დადგომის რისკის შეფასებაზე.

4.6.2. ჩვენ გვაქვს უფლება, სადაზღვევო პოლისის გაცემამდე, ხოლო საჭიროების შემთხვევაში, პოლისის გაცემის შემდეგაც, მოვთხოვთ ნებისმიერი დოკუმენტის წარმოდგენა, რომლის მეშვეობითაც განისაზღვრება სადაზღვევო შემთხვევის ალბათობა;

4.6.3. რისკის ხარისხის ცვლილების შესახებ ჩვენთვის დროულად შეუტყობინებლობის შემთხვევაში, ჩვენ უფლებას ვითოვებთ უარი განვაკადოთ სადაზღვევო ანაზღაურების გადახდაზე.

4.6.4. დაზღვეული ქმნების/ავტოფრანსპორტის გასხვისებისას, აუცილებელია დაუყოვნებლივ გვაცნობოთ ახალი მთლილების ვინაობა და საკონტაქტო დეტალები.

4.6.5. თქვენ ვალდებული ხართ დაუყოვნებლივ, წერილობითი სახით შეგვატყობინოთ ჩვენთვის შეტყობინებულ გარემოებებში რაიმე ცვლილებები შესახებ ან თუ გამოვლინდა მანამდე არსებული თქვენთვის უცნობი ან ახალი გარემოებები, თუ ისინი ზრდიან სადაზღვევო შემთხვევის დადგომის რისკს.

4.6.6. ინფორმაციის ჩვენთვის მოწოდების ვალდებულება მოქმედებს მთელი სადაზღვევო ჰერიოდის განმავლობაში და არ შემოიფარგლება მხოლოდ რისკის ხარისხის შეფასებისათვის აუცილებელი ინფორმაციით, არამედ მოიკავს ანაზღაურების ოდენობის ა/და ჩვენი ვალდებულებების წარმოშობასთან დაკავშირებულ ინფორმაციასაც.

4.7. დაზღვევის პირობების შეცვლა

4.7.1. სადაზღვევო პოლისის მოქმედების ჰერიოდში სადაზღვევო რისკის შემთხვევაში ჩვენ შეგვიძლია მოვითხოვოთ დაზღვევის პირობების შეცვლა ან დამატებითი სადაზღვევო პრემიის გადახდა. ჩვენ მიერ მიღებული ამგვარი გადაწყვეტილება თქვენთვის სავალდებულო ხსიათს აფარებს.

4.7.2. თქვენ მიერ გაცხადებული უარი დაზღვევის პირობების შეცვლაზე ან დამატებითი პრემიის გადახდაზე გვაძლევს უფლებას, გავაუქმოთ სადაზღვევო პოლის აღნიშნელი ცვლილებების დადგომის მომენტიდან და შევწყვიოთ დაზღვევის მოქმედება წინასწარი ერთოვანი ვადის დაცვით. ვადის დაცვა არ არის საჭირო, თუ სადაზღვევო რისკის ზრდა თქვენ მიერ განზრახ ან უხეში გაუფრთხილებლობით არის გამოწვეული.

4.7.3. იმ გარემოებათა შეცვლის შემთხვევაში, რომლებიც გავლენას ახდენს დაზღვევის ხელშეკრულების არსებით პირობებზე, მათ შორის, რისკის ხარისხის ცვლილების, დაზღვევის მოცულობის, პოლისის მოქმედების ვადის ან სადაზღვევო პრემიის ოდენობის ჩათვლით, თქვენ გადმოგეცემათ ჩვენ მიერ ხელმოწერილი და ბეჭდით დადასტურებული პოლისის დანართი.

4.8. დაზღვევა მესამე პირთა სასარგებლოდ

4.8.1. თქვენ შეგვიძლიათ დადოთ დაზღვევის ხელშეკრულება მესამე პირის სასარგებლოდ, ანუ დანიშნოთ მოსარგებლები.

4.8.2. სადაზღვევო შემთხვევის დადგომამდე თქვენ შეგვიძლიათ შეცვალოთ ხელშეკრულებაში მითითებული მოსარგებლების სხვა პირით, რის შესახებაც წერილობით უნდა გვაცნობოთ. მოსარგებლის შეცვლა უნდა გაფორმდეს წერილობითი შეთანხმებით.

4.8.3. დაზღვევის ხელშეკრულების გაფორმება მოსარგებლის სახელზე არ გათავისუფლებთ ხელშეკრულებით გათვალისწინებული ვალდებულების შესრულებისაგან, თუ პოლისით სხვა რამ არ არის გათვალისწინებული.

4.8.4. ჩვენ შეგვიძლია მოვითხოვოთ მოსარგებლისაგან დაზღვევის ხელშეკრულებით გათვალისწინებული ვალდებულებების შესრულება.

4.8.5. ჩვენ მხოლოდ მაშინ ვართ ვალდებული, ავანაზღაუროთ მოსარგებლის სასარგებლოდ, თუ მოსარგებლე ეთანხმება დაზღვევის ხელშეკრულებას.

4.9. რეგრესის წესი

4.9.1. მზღვეველზე, რომელმაც გადაიხადა სადაზღვევო ანაზღაურება, გადადის რეგრესული მოთხოვნის უფლება მიყენებულ ზიანზე პასუხისმგებელი პირის მიმართ გადახდილი ანაზღაურების სრული ოდენობის ფარგლებში. თქვენ ვალდებული ხართ გადმოგვცეთ თქვენ ხელთ არსებული ყველა დოკუმენტი (მათ შორის, შესაბამისი უფლებამოსილი სახელმწიფო ორგანოების მიერ ოფიციალური ფორმით გაცემული (დამოწმებული უფლებამოსილი პირის ბეჭდითა და ხელმოწერით) სადაზღვევო შემთხვევის დამადასტურებელი დოკუმენტი, ორგონალის სახით, სადაც აღნიშნული უნდა იყოს: შემთხვევის ადგილი და თარიღი, შემთხვევის ყველა მონაწილის ვინაობა, შემთხვევის მოხდენაზე პასუხისმგებელი პირი (პირები), აგრეთვე, საქმისათვის მნიშვნელობის მქონე სხვა გარემოებები), რომელიც საჭიროა ამ მოთხოვნის რეალიზაციისათვის.

4.9.2. თქვენ მიერ ზიანზე პასუხისმგებელი პირისათვის უარის თქმა პრეფერირებზე ან იმ უფლებებზე, რომელიც უზრუნველყოფს მის მიმართ მოთხოვნების რეალიზაციას, აგრეთვე უარის თქმა ჩვენთვის, გადმოგვცეთ ამ რეგრესული მოთხოვნის წასაყენებლად საჭირო დოკუმენტები, ჩვენ გვათავისუფლებს სადაზღვევო ანაზღაურების გადახდისაგან, ხოლო თუ ასეთი ანაზღაურება უკვე გაცემულია, გვანიჭებს გაცემული სადაზღვევო ანაზღაურების უკან მოთხოვნის უფლებას.

4.10. ფორს-მაჟორი

4.10.1. მხარეები დროებით ვთავისუფლდებით წინამდებარე ხელშეკრულებით ნაკისრი ვალდებულებების შესრულებისაგან, თუ ზემოხსენებული ვალდებულებების შეუსრულებლობის ა/და არაკერძოვანი შესრულების მიზეზი იყო დაუძლეველი დალის ფორს-მაჟორული გარემოებების დადგომა.

4.10.2. ფორს-მაჟორული მდგომარეობის დადგომის შემთხვევაში ჩვენი ვალდებულებები წყდება მხოლოდ დროებით და სრულად ახლდება ამ გარემოებათა დამთავრების ან აღმოფხვრისათანავე.

4.10.3. ფორს-მაჟორული გარემოებების დადგომა და შეწყვეტა უნდა დაადასტუროს შესაბამისმა კომპეტენტურმა ორგანომ.

4.11. პოლისის მოქმედების შეწყვეტა

4.11.1. დამატებითი ვადის განსაზღვრისა და გაფრთხილების გარეშე პოლისის მოქმედება ვადაზე ადრე წყდება წერილობითი შესყიდვის გარეშე, შემდეგ გარემოებებში:

- 4.11.2. პოლისით განსაზღვრული სადაზღვევო თანხის ამოწერვისას/ვადის გასვლისას;
- 4.11.3. თუ დაზღვევის ძალაში შესვლის შემდეგ გაქრება სადაზღვევო შემთხვევის დადგომის შესაძლებლობა და შეწყდება სადაზღვევო რისკის არსებობა ნებისმიერი გარემოებით, გარდა სადაზღვევო შემთხვევისა;
- 4.11.4. თუ სადაზღვევო რისკის ზრდა ან ქმედება, რომლის შედეგად დაგიდგათ ზიანი, თქვენ მიერ განზრახ ან უხში გაუფრთხილობით არის გამოწვეული.
- 4.11.5. საქართველოს კანონმდებლობით დადგენილ სხვა შემთხვევებში.
- 4.11.6. პოლისის მოქმედება შესაძლებელია შეწყდეს ერთოვანი ვადის დაცვით წინასწარი წერილობითი შეფყობინების საფუძველზე შემდეგ გარემოებებში:
- ა) პოლისით გათვალისწინებულ ვადებში სადაზღვევო პრემიის გადაუხდელობისას,
- ბ) სადაზღვევო რისკის გაზრდის შემთხვევაში თქვენ მიერ დამატებითი პრემიის გადახდაზე/დაზღვევის პირობების შეცვლაზე უარის განცხადებისას.
- გ) დაზღვეული ქონების/ავტოტრანსპორტის გასხვისებისას.
- დ) საქართველოს კანონმდებლობით დადგენილ სხვა შემთხვევებში.
- 4.11.7. თქვენ ვალდებული ხართ ნებისმიერ შემთხვევაში დაფარით გამომუშავებული სადაზღვევო პრემია ამასთან, ჩვენ მიერ პოლისის მოქმედების პერიოდში ნებისმიერი ზარალის ანაზღაურების შემთხვევაში, გამომუშავებული სადაზღვევო პრემია დაბრუნებას არ დაექვემდებარება, ხოლო განვადებით სადაზღვევო პრემიის გადახდისას, გამომუშავებული სადაზღვევო პრემია დაექვემდებარება სრულად დაფარვას.
- 4.11.8. ყოველგვარი ეჭვის გამოსარიცხად, დაზღვევის ვადაზე ადრე შეწყვეტისას, მოქმედებს შემდეგი პირობა: თქვენ მიერ გადახდილი გამომუშავებული სადაზღვევო პრემია არ ექვემდებარება ჩვენ მიერ უკან დაბრუნებას.

4.12. დავების განხილვა

- 4.12.1. მხარეთა შორის წამოჭრილი ნებისმიერი დავა წყდება მხარეთა ურთიერთშეთანხმებით, შეუთანხმლებლობის შემთხვევაში კი საქართველოს კანონმდებლობით დადგენილი წესით.
- 4.12.2. წინამდებარე ხელშეკრულების შესრულებასთან დაკავშირებული დავების/უთანხმოების შემთხვევაში, მხარეები უფლებამოსილნი არიან მორიგების მიზნით მიმართონ ა(ა)იპ „სადაზღვევო კომპანიათა ასოციაციის“ (ს/კ 204878481) „დაზღვევის მედიაციას“ „საფუძველობრივ ხაზის მეშვეობით ნომერზე: (+995 32) 2555155, ელექტრონული ფოსტის მისამართზე mediacia@insurance.org.ge. მედიაციის მეშვეობით მორიგების მიუღწევლობის შემთხვევაში, მხარეები მიმართავენ სასამართლოს 4.12.1. ჰერქის შესაბამისად.
- 4.12.3. თითოეული მხარე ვალდებულია, აუნაზღაუროს მეორე მხარეს თავისი ქმედებით მიყენებული ზიანი საქართველოს კანონმდებლობით დადგენილი წესით.

4.13. ინფორმაციის მიწოდება

- დაზღვევის ხელშეკრულების აღსრულებისათვის აუცილებელი ყველა შეფყობინება მხარეებს მიერთოდება წერილობითი ფორმით, ან გაეგზავნება ფაქსით ან ფოსტით მხარეთა ადგილსამყოფელის/რეკვიზიტების მიხედვით. მხარეთა შეთანხმებით, შესაძლებელია თქვენ შეფყობინება გამოგვიჩვნოთ მოკლე ტექსტური ან ელექტრონული შეფყობინების სახითაც. რეკვიზიტების მითითება ხდება განაცხადის საფუძველზე შევსებულ დაზღვევის პოლისში. მისამართის/ადგილსამყოფელისა თუ სხვა რეკვიზიტების ცვლილების შესახებ შესაბამისი ინფორმაციის დაყყოვნებლივ მზღვეველისთვის მიუწოდებლობის შემთხვევაში მზღვეველის მიერ გაგზავნილი ნებისმიერი კორესპონდენცია/შეფყობინება ჩაითვლება თქვენს მიერ მიღებულად.

4.14. კონფიდენციალურობა

- თქვენ და ჩვენ მიერ ერთმანეთისათვის მიწოდებული ყველა ინფორმაცია (მიუხედავად მისი ზეპირი, თუ წერილობითი ფორმისა), რომელიც წარმოადგენს კომერციულ ან სხვა სახის ფასეულობას, ითვლება კონფიდენციალურად და წინასწარი შეთანხმების გარეშე არ შეიძლება გადაეცეს მესამე პირებს, თუ ეს დაკავშირებული არ არის ხელშეკრულებიდან გამომდინარე ვალდებულებების შესრულებასთან ან საქართველოს მოქმედი კანონმდებლობის
- მოთხოვნებთან. მიუხედავად ზემოხსენებულისა, შესაბამისი სადაზღვევო განაცხადზე ხელმოწერით თქვენგან გვენიჭება უპირობო უფლება, თქვენ შესახებ ჩვენს ხელთ არსებული ნებისმიერი ინფორმაცია თქვენთან ყოველგვარი დამატებითი შეთანხმების გარეშე გადავცეთ სს „კრედიტინფო საქართველოს“ (რეგისტრირებული მთაწმინდა-კრჩანისის რაიონული სასამართლოს მიერ 2005 წ. 14 თებერვალს, რეესტრის #06/5-51, საიდენტ. #204470740), რაც იწვევს თქვენს აღრიცხვას „კრედიტინფო საქართველოს“ მონაცემთა ბაზაში.